



САМУРДИН

сес

«Магъарамдхурун район» МР-дин общественно-политический газет.
Общественно-политическая газета МР «Магарамкентский район».

Тешкилайди: «Магъарамдхурун район» МР.

Газет 1951- йисалай акъатзава. № 17 (7733) киш, 25 - апрель, 2015- йис. Къимет 6 манат.

Владимир Путина 74 суалдиз жаваб гана

16- АПРЕЛДИЗ Президент Владимир Путин «Прямая линия» тухвана. Ам кыле фидайла важиблу гзаф къадар суалриз жавабар гана.

«Прямая линия» Кремлдивай яргъа тушиз Гостиный дворда кыле фена. Аниз журналист-рилай гъейри политикризни общественный деятелризни, бизнесдин векилризни теклифнавай.

«Прямая линия» тешкилайбурал 3 миллиондилай гзаф суалар агакьна. Гуьруьш куьтягъ жедалди суалар атун давам жезвай.



МР-дин АДМИНИСТРАЦИЯДА

2014- ЙИСАН НЕТИЖАЯР КЪУНА



20 -АПРЕЛДИЗ Муниципальный райондин кыл Фарид Агъмедова тухвай муниципальный райондин администрациядин совещаниедал 2014- йисуз «Магъарамдхурун район» муниципальный район социально-экономический рекъяй вилик тухунин нетижайрин гъакъиндай планла-мишнавай месэла гьална.

Совещаниедал килигзавай месэладай доклад муниципальный райондин администрациядин экономикадин отделдин начальник Тимур Техмезова авуна. Ада кьейд авурвал, чкадин самоуправлениедин органрин вири къвалахар РД-дин Кыли тайинарай Республика вилик тухунин эвелимжи проектрихъ галаз къадайвал тешкилна ва и рекъе

тайин тир нетижаярни къазанмишна.

Гуьгъуьнлай муниципальный райондин кыл Фарид Агъмедова администрациядин экономикадин отделдин къвалахдиз хъсан къиметни гана ва къвалахдин ериш явашар тавуниз эвер гана.

Пландин месэла гьалдайла район социально-экономический рекъяй вилик тухунин къвалахдин ериш явашар тавун патал са жерге теклифар гана. Кылди къачуртла, Магъарамдхурун райондин территориядал РД вилик тухунин рекъяй эвелимжи проектар уьмуьрдиз кечирмишунин рекъяй къвалах гужлу авун, муниципальный райондин объект РД-дин республикадин программарик кутун таъминарун теклифна. Гъиле авай йисуз хуьрун майишатдин чилерин, райондин территориядал алай эменнидин инвентаризация акъалтларун тапшурмишна.

Ахпа совещаниедал администрациядин къвалахриз талуьк маса месэлаярни гьална.



ШЕГЪЕРАР - ИГИТАР

КИЕВ, МИЛЛИ МУЗЕЙ ЗАПОВЕДНИК

УКРАИНА азад авун патал Советрин Армияди кьуд вацра женг члугуна. Киевдин операция 1943- йисан гъужумда кьилин лишан хъана. Адан гъурметдай виридалай къати женгер кьиле феи Новые Петров-

цы хуьруьн патав гвай чка 1945- йисан майдиз дявединни тарихдин памятник яз малумарун къарардиз къачунай.

Исятда 9 гектардилай гзаф хъиз майдандал женгинин техникадин гъамиша кардик квай экс-

позиция ала. Абуруз неинки килигиз, гьакл абурал гьил алтадизни, и зурба машина гьикл идара ийизвайтла гъавурда гъатун патал акъахизни жеда. Ина гьакл халисан окупар ва чилин къазмаярни ама.

ДУШМАНДИН ХУРА УЪТКВЕМДИЗ АКЪВАЗНА

1938-ЙИС. Докъузпара райондин Хужайрин хуьряй тир Бабаев Абусаид, школа акъалтарайла, Дербентдин ФЗУ-дик (ракъун рекъерин отделенидик) экечйнай. Са тимил вахтни алатнач, адаз шегъердин военкоматдай повестка атана. Октябрдин вацра мад 12 юлдашни галаз дагъви гада армиядин жергейриз тухвана. Украинадин Каменец-Подольск шегъердиз акъатай жегъилди атлуйрин 55 лагъай полкуна къуллугъ-



зава. 1039- йисуз ам Рагъаклидай патан Украинадиз-Львовдиз акъатна.

Дуьньядин гьалар секинзавачир. Фашистрин Германияди Европадин уьлквейар са-сад вичин пацук кутазвай. Гитлерчияр чи уьлкведин сергъятдиз мукъва жезвай. 1941- йисан 22- июндиз чапхунчийри чи ислягъ уьлкведал вегъена. Дяве башламиш хъайила, Абусаида Житомир областдин Новгород-

➔ 6

Элкъвена вил вегъейла

КУЛЬТУРАДИН ЙИС - АМ ГЪИХЪТИНДИ ХЪАНА?

ФЕИИ уьмуьрдиз элкъвена вил вегин, кьимет гун, веревирдер авун адетдин кар я. Гъавилъй аз къе «культурадин йис» яз малумарай 2014-йисуз чи райондин тарихда гъатай са жерге агалкъунрикай рахаз кланзава.

Дагъустан Республикадин Президентдин эвелимжиде кечирмишун республикадин промышленность, хуьруьн майишат ва социальноекономический маса хилер вилик тухунин мураддалди авур са жерге кваллахри хъсан нетижаярни гана.

ИкI, Самур вацIал 285 метр яргъивал алай муьгъ эцигна, Приморск поселоқда РД-дин балугъчивилин майишатрин советдин заседание киле фена, Уружбайрин хуьруьн патав къушарин фабрика эцигиз башламишна, Чахчарин къазмайрин хуьре цийи школа ачухна,

районда республикадин «Самурдин зул» фестивалъ, дзюдодай, волейболдай Дагъустандин кIвенкIвечивилер киле тухвана ва райцентрдал МФЦ (гзаф везифайрин идар) кардик акатна.

Кьилди культурадин хилекай рахайтIа, РФ-дин Госдумадин депутат Гъажимет Сафаралиеваз «Магъарамдхуьруьн райондин Гъуьрметлу агъали» знак гана, «Акахъай единоборствойрай дуьньядин чемпионат тухунин тереф хуьнай ва куьмек гунай», панкратиондай ва акахъай единоборствойрин Международной федерациядай «Магъарамд-

хуьруьн район» МР-дин кьил Фарид Агъмедоваз тебрикдин чар атана, халкъдин шаир С. Сулейманан 145 йис тамам хъуниз талукъарна райондин образованиедин, культурадин маканра гъар жуьре мярекатар тухвана, чи



Дагъустан Республикадин Кьил Рамазан Абдулатипова Абдуселим Исмаиловаз Дагъустандин халкъдин писателвилдин диплом гузва. 2014-йисан 29-декабрь.

районгъгли РД-дин халкъдин артист, РФ-дин лайихлу артист Абдуллагъ Гъабибован 65 йис шад гъалара къейдна.

Международной юридический форумда гъалиб хъайи Герей Саруханован, Вирироссиядин илимрин ахтармишунрин конференцияда хъсан доклад авунай гъуьрметдин грамотадиз лайихлу хъайи Зайнаб Хасметовадин, Вирироссиядин «Гележегдиз лифт» конкурсдин гъалибчи, ДГТУ-дин студент Заурбек Гъасанован, республикада 1-чка кьур МФЦ-дин, XVI- международной фестивалда ансамблейрин арада гъалиб хъайи «Шалбуздагъ» тIвар алай дал-

дамчийрин коллективдин, «Битва на Руси» Вирироссиядин турнирда къайдаяр авачир женгерай гъалибчи Расим Нажмудинован, Дагъустандин ва СКФО-дин чемпионатра гъалиб хъайи Давуд Саидханован агалкъунри чун мадни гъевеслу авуна.

Эхъ, культурадин йис гъар жуьре вакъайралди девлетлуди, рикел аламукъдайди хъана. 2015-йис литературадин йис яз малумарнава. Цийи йисан вилик чна вирида гъуьрметзавай писатель чи районгъгли, «Самур» журналдин редактор Абдуселим Исмаилован РД-дин кьил Рамазан Абдулатипова Дагъустандин халкъдин писателвилдин диплом вахкана. Им чун патал гъевеслу, мад са кларцIиз хкаж хъана ва литературадин йис ачухна лагъай чIал я.

Къе недай продуктрин, алуқIдай парталрин мублагъвал аватIани, руьгъдин кесибвал гъиссзава. Алай вахтунда жегъилрив гвай телефонрай сада-садаз хъызвай хабарик мусибат гъалатIар жезва. Чи девирда чна художественной литературадилай гъейри газетрилай, журналрилай гъил къачузвайди тушир.

Литература руьгъдин ем я. Гъар са кас руьгъдалди девлетлу хъайила обществони савадлу жеда. Чна умудзава, цIинин литературадин йисуз гъар са хизандин, хуьруьн, райондин уьмуьр рикел аламукъдай шад вакъайралди девлетлу жеда.

А. АЙДЕМИРОВА.

Агъадаш НАГЪМЕТУЛЛАЕВ

МАЪЛЖЕРИ

бадедин меслятар

(Эхир. Эвел 12.15,16-
нумрайра).

- ГьикI чи шутдай? Им вуч заха ихтилат я, Семед, вуна ийизвайди? - гардан кIирна экъечIна вилик Семедан дес-тедикай сад. - Мехъер цIегь туклуна кап ягъун туш гъа. Пул герек къведа, пара пул, зарафат туш, свас гъизва кIвализ.

- Телесма, телесма, къардаш, - лугъуда азербайжанри. Тади ийимир, сабур це жуван риклиз. Пул, дустар, чи кIвачерик ква, кIва-че-рик, - атIуз атIуз лугъузва Семедда. - КIанзавайди ам чилелай кIватIна киседиз вегъедай дирибаш рухваря я.

- Пагъ, хва текъей тупчи, вунани лагъана гъа, - элкъвена Семеддахъ илисна уьлгучдал тунвай буран хътин кIил галайда. - Мегер абур мегъуьн таран пешер яни, зулун гару чилел вегъезвай. Вуна сифте гъеле шаз буржуна къачур пул вахце.

- Зун кIез садазни са кепекни буржлу туш. Акси яз, куьн вири зи лукIар я, векъи ван къвезва ацукънавайбуруз Семедан.

- Эй, жуван сивяй акъудзавай гафар чурурна акъуда, эдебсуз. КIилди зун гьич са чIавузни ви буржуник хъанач, я валай аслу касни туш.

Вири Идрисахъ элкъвена. И тегъерда Семедан гафунал гаф эцигай, чиниз экъечIай кас гъеле малум тушир.

Са декъикъада Семедда ял къуна, ацукънавайбурун чиниз килигна, абурун бейтереввал акур ам мадни ажугълу хъана башламишна:

- Ядаяр, ибур нин гафар я чаз ван къвезвайбур? Идрисан! Йифен къулариз къуншидин демекдай верчер чуьнуьхна дустагда жаза чIугуна хтанвай уьзуькъарадин. Ви бейни чIур хъанва, дуст. Ваз дустагъханада сер янавай хътинди я. Мусалай вун ягъ, намусдикай рахазва? Ви къатIунрай чун, вахъ галаз са

Гьикая

кIус фу тIурбур вири намуссузар, алчахар я ман?

И гафар ван хъайи Идрис къудгъунна туп хъиз цавуз акъатна:

- Зун инал виридакай ваъ, къилди вакай, ви намусдикай, виждандикай рахазва. Эхъ, дустагда зун ацукъна, амма ви вилик зи намус михъи я. Заз мад вун хътин къве чин алай иблисар, къиргъарамчияр акунани кIан туш, - лагъана ацукъ хъувуна Идрис.

Гуьруьшдал гъалар къвердавай къизгъин жезвай, Идрисанни Семедан зидвилер, гуьжетар гъутаралди акъалтIун мумкин тир. Амма артухан къал- къиз саданни хийирдиз туширдан гъавурда акъур абур ислягъвилелди чара хъана.

- Зи гаф къван я. За, бадедин сурал Семедалай къисас вахчуда лагъана къин къунай. Зун дидедин сурал гайи гафуниз вафалу жеда. Къуй Семедаз гъахъ- дуван, адалат авайди чир хъурай, - лугъузва Идриса вичи-вичиз кIвалаяй экъечIайла.

- Идрис чи арадин итим туш. Фад-геж ада чун вири маса гуда, адан чка дустагъ я. КIелрай вичиз законар архайиндиз, - таъкимарзава Семедда юлдашар Идрис хъфейла.

* * *

ВИЛИКАН къве дустуни чинеба, кIаникай сада- садаз акси кIвалах тухуз башламишна. Макъсад къведанни сад я: ихтибардиз гъахъун, алакъайрик велвела кутун, геле къекъуьн, ахътин къанунсуз крарикай органар хабардарун. Анжах Семедда и кар кичевилляй, пехилвилляй, риклин дарвилляй ийизвайтIа, Идрисанди къисас вахчун, гъахъ, адалат дуьздал акъудун тир. Вичин къени ният таммарун патал Идриса са куьнуьлайни гъил къачузвач, вири жуьредин мумкинвилерикай менфят къачува.

Нубатдин сеферда гуьруьш хъайила Семедда мукъаятдиз Идрисав чулав пекиник кваз шуькIуь къелем хътин са шей вугана.

- Им вуч я, - суалзава Идриса.

- Риб!

- Риб вуч затI я?

- Хци кIвенкI алай чIехи раб, гуьндуюз.

- Ам зи кIез я? Зун чекмечи яни?

- И чулав пекиник квай алат вуна, дуст кас Идрис, къе нянихъ, гежел вегъин тавуна гъенел акъ-вазарнавай нини хъиз туйкIурнавай Асланан цIеп цIийи «Волгадин» чархуниз сухда.

- ГьикI, вучиз, вуч паталди, - къудгъун хъана Идрис. - Асланан гъаятда пехъи кицI хуьзва, ам элуькъда. Шалмандал къати экв кузва, къуншийриз чир жеда, хабар гуда иесидиз.

- Ибур вири куьлуь- шуьлуь-яр я, Идрис, риклив къамир вуна. КицI са тупIаллай зегъер, агъу вегъейла лал жеда. Экверин къайгъуда чи итимар ава. Къуншийри-кайни вун архайин хуьхъ. Виридалайни мукъва къунши Асланан зун я. Пенжердай гуьзчивал тухуда за вал. Амуькзавайди ваз анжах риб сухун я. Къилинди Асланаз вичин геле чун хътин дирибаш, асландин рикI авай итимар авайди чир хъун я. Адан рикIелай квахънавай дуьгвени алатда. ТахъайтIа...

- ТахъайтIа вуна заз вучта, къейи хва. Риб чархуниз ваъ, ви риклиз сухиз гъазур я зун, - ажугъламиш хъанва Идрис. - Ваъ, икI жедач, энгел тавуна машиндин иеси хабардар авуна кIанда, - ван акъуд тавуна давамарна ада.

Нянихъ геж хъиз Семедда гайи тапшуругъдиз феи Идрисаз машин алай чкадал куьсруьдал ацукънавай Аслан акуна. Ада гъиле авай дафтардин чарчел кхъенвай къве цIар кIелзава: «Аслан халу! Геле кицIер ава, машин вахчу гъенелай». - Яраб ибур нин хатIар ятIа? - суалзава Аслана.

* * *

ЙИКЪАР къвез физвай, Идрисан патав атай-хъфей кас авачиз хейлин вахт тир. Риб квай силисни адан рикIелай саки алатнавай.

Зун абурун ихтибардай аватнава, умуд атланва закай, фикирзава Идриса.

Амма гьакъикъат масад тир. Семед кыле авай дестеди гила куьлуб-шуьлубйрилай элячна чѣхи «операция» ктурмишзавай. Кылин ролда кьугъвазвайдини Идрис хьун лазим тир.

- Алатай сеферда чна кыле тухвайди «репетиция» хьана. Лугъун хьи, кьуватар алцумун, мумкинвилер ахтармишун,- лугъузва Семед Идрисаз нубатдин сеферда гуьруьш хьайила. -Нетижадикай зун гьеле рахазвач. Са мерди-мазарди Аслан виликамаз хабардар авур хьтинди я. Чакьалар чи арадани кими туш гьа, Идрис, гьар къадамдиз игьтият хвена кланзава. Вири вун хьтин дирибаш ,вафалу дустар туш, Мад чаз ягьгалмиш жедай ихтияр авач,- мукьув игис жезва Семед. -Рахун акьалтлай важиблу операциядикай физва. Кевелай инанмиш ва умудлу я адан нетижаяр бегьерлубур жеда. Анжах ви куьмекдалди,- алава хьувуна Семед. -И тлуб чар,- элкьвена хьиз Идрисахь давамарзава Семед, -вуна Асланан гьаятдиз вегьеда, анжах са шартлуналди: клелун къадагъа я-«гостайна»,-чѣхи тлуб хкажна хьиз яганатдин жуьреда хьуьрена Семед.

-Рахун авач , рази я, -тадиз жаваб гана Идриса. Амма гьеле квализ агакьдалди ада чар ахайна клелна. Пехьрен хатларай кыл акьудун четин тиртлани, чарче кхьенвай:« Аслан! вуна пака нянин муьжурдалди пирен патав гвай лацу къванцин кланик са миллион манат пул эцигда. Истемишун кылиз акьуд тавуртла ви машиндиз цлай яда, студентка руш залуквиле къада. Артухан гьерекатар ви хийирдиз туш. Ви гьурмет хуьзвайди».

-Агь, ягьсуз, ви къанихвал садахъни жеч. Ви дамарда авайди иви тушни мегер? Вуна нин девлетда вил тунва. Ваъ, Семед, и сеферда дустагъханадиз вун фида, са рахунни алачиз. Гьахь паталди, адалатдин къанунралди,-лугъузва фидай рекье вичи-вичикди Идриса.

- Къачу, Аслан халу,им ваз ви кьунши Семедан патай ракурнавай саламдин чар я. Анжах и сеферда милицияр галачиз жедач,

жуван къайгъу аку, яргьи ийизва Идриса чар авай гьил Асланал.

-Гьич жедай кар туш,-лугъузва Аслана чар клелайла. -Семедан пахан зи клеви дуст я. Исятда зи патавай хьфена, вичелай дело къарагьарнава, силлис тухузва лугъуз шех-хвалзавай. Буржуна пул тлалабзавай.

-Агьан, чир хьана заз. Яни Семедаз мад сеферда зун хура туна вичин чтуру ният кылиз акьудиз кланзава. А виле-цлам. Зун Семедан пахана гьахьсуз ацукьариз туна. Гила абур кьведни ацукьардай вахт алуькнава. Эхь, гьахь- дуван,адалат авайди я,-лугъузва Идриса.

Асланаз амуькайди вахтунда талукь идарадиз хабар гун тир. Омоновчийрин дестеди виликамаз чкадал атана кьупай сенгерар кьуна гуьзетзава. Семед кыле авай кьиргьарамчийрин керетл кьун патал вири гьазурвилер акунва. Ингье тепедихъай йигиндиз атай джипдай тумаждин яргьи клурт алай са зурбуьк эвична эркиндиз пир галайвал ериммишна. Ахпа ада кьуд пад гуьзетна хьиз тлафусдиз къарникьузар вегьедай хьиз пулуни кьундахар жибиндиз вегьез башламишна.

-Абур и турбадиз вегь, пул пара ава, жибинра гьакьдач,- лугъузва кьулухъ галай гьилибанди.

-Лал хьухъ вун, патарив яру пенцлер алайбур хьун мумкин я,- ван кьезва Семедан. Гьа и береда кьведан гьилерни ракъара гьатна.

-Гадаяр! Тадиз паханаз хабар це, зун пугунар алайбуру кьунва лагь,- цлай кьурда хьиз гьарайзава Семед. -Куьн гьахь туш, за вахчурди жуван гьалал пул я,- лугъузва Семед милицайриз.

-Гьахь- батлул вуж ятла судди субутда, акьах машиндиз, -эмирна омоновчийрин командирди.

Пакад юкьуз экуьнахъ силсичидин кабинетдиз гьайи Семедаз Идрис акуна.

-Заз лагъанай, зи чина акьваздайди Идрис тирди. Заз чизвай, зун ягьгалмиш хьана,-вичичик лугъузва Семед.

-Эхь,Семед. Гьахь ,адалат авайди я, лагъанайни за ваз.

В ПРОКУРАТУРЕ РАЙОНА

Уголовное дело по факту незаконного получения субсидии на улучшение жилищных условий направлено в суд

Прокуратурой Магарамкентского района 08.04.2015 утверждено обвинительное заключение и для рассмотрения по существу предъявленного обвинения в Магарамкентский районный суд направлено уголовное дело № 430187 по обвинению жителя Магарамкентского района Насруллаева Д.Н. в совершении преступления, предусмотренного ч. 3 ст. 159.2 УК РФ.

По версии органа предварительного следствия, Насруллаев Д.Н., путём предоставления в уполномоченные органы поддельных документов незаконно в сентябре 2013 г. незаконно получил в Минсельхозе РД субсидию на улучшение жилищных условий в размере 466575 руб. в рамках ФЦП «Социальное развитие села до 2013 года». Денежные средства использовал на личные нужды.

М. КАЗИАХМЕДОВ,
прокурор района,
старший советник юстиции.

ВЫЯВЛЕНА НАРУШЕНИЯ

Прокуратурой района во исполнение задания прокуратуры республики проведена проверка соблюдения требований Федерального закона от 05.04.2013 N 44-ФЗ "О контрактной системе в сфере закупок товаров, работ, услуг для обеспечения государственных и муниципальных нужд".

Проверкой в деятельности 22 муниципальных образований поселений выявлены нарушения требований законодательства в указанной сфере.

Федеральный закон №44-ФЗ регулирует отношения, направленные на обеспечение государственных и муниципальных нужд в целях



ГЪАЛИБВИЛИН КЪАРШИДИЗ

ДУШМАНДИН ХУРА УТКВЕМДИЗ АКЪВАЗНА

2 ←

Волынский шегьерда атлуйрин 14- дивизиядин 55- полкуна къуллугъзавай. Львов, Волынк шегьерар хуьн патал женгера иштиракайдалай гуьгъуьниз Славутичдиз рекъе туна.

Сифте кылерай чи къушунар къулухъни члугуниз мажбур хъанай. Са юкъуз полкунин командир И.В. Мельникова А. Бабаеваз вичин патав эверна ва ихътин буйругъ гана: балкандаллаз хъиткынардай шей тухвана, къве аскерни галаз фена, муьгъ хъиткынарна кланда.

И члавуз сержант А. Бабаев инженервилинин сапервилинин отделениедин командир тир. Немсерихъай далдала-миш жез-жез, агатна абур а муькъуьн патав. Адан лазим чкайрик хъиткындай шейэр кутуна, 10 метрдиз къван шурни гилигна. Ахпа муькъуьвай са къадар мензилдиз къекъечина, шурдиз цай яна, чеб катна ва абуру чпин полкунив агакър хъувуна. И тапшуругъ тамамарунинетитижада душмандин виликди гьерека-туниз са къадар манийвална.

Миллерово станциядин патав А. Бабаевал хер хъана. Сифте ам санчастуниз, анайни санитарный поездда аваз Кременчугдин патав гвай «Славянское» санаториядиз агакърна. Са къве йикъалай Сталинграддиз тухвана. И рекъерани абурал са шумудра цавай бомбаяр вегъенай.

Сталинграддин патав гвай госпиталда сагъар хъувурдалай къулухъ старший сержант Бабаев сагъламвал мягъкема-

рун патал квализ ахъайна. Са къадар вахт алатайла, эвер хъувуна, Кировобад шегьерда кватнавайбурухъ галаз амни мад фронтдиз рекъе туна. Къати женгера иштиракайдалай къулухъ чан аламайбур Грозныйдиз рекъе туна. Абусаид Жаруллаевич лагъайтла, ОРВД-диз- танкар ремонтдай ва гуьнгуьна хутадай отделениедиз акъатна. Ина хейлин танкар къайдадиз хкана ва фронтдиз рекъе хтуна.

Са къадар вахтунда гъа ина хъайидалай гуьгъуьниз, хер хъанвай гъил кутлунна, амай юлдашрихъ галаз санал душман уьлкведай чукуриз эгечина: Моздок, Минводы... Гъалибвилинин югъ дагъвидиз Борисоглебск шегьерда къаршила-мишун къисмет хъана.

Хайи хуьруьз Абусаид Бабаев хурудал Красный Звезда ва Ватандин дяведин 2- дережадин орденри, гзаф медалри нургуз хтана. 1946- йисуз мехъерарна. А. Бабаеван уьмуьрдин юлдаш Саиматани дяведин вахтунда Хасавюрт шегьердин патарив танкариз акси сенгерар ва гъакл акопар атлунин квалахра иштиракна. Сифте Абусаида «Искра» колхозда счетоводвал авуна. Дуьзендиз куьч хъайила, хейлин йисара, та пенсиядиз фидалди, Магъарамдхуьруьн райондин «Правда» совхозда бухгалтер-экономиствиле квалахна.

Ветеран къе чи арада амач. Амма Ватан душмандикай хвейи къегъал хъиз адан веледри, хтулри, жематди гуьрмет авунин лишан яз, къил агъузна икрам ийизва.

З. ГАФУРОВА.

Дяведин рекъерай

МАГЪАРАМДХУЬРУЬН 2- нумрадин СОШ-да «Брестдай Берлиндиз къван дяведин рекъерай» лишандик кваз Чехи Гъалибвилинин 70 йис тамам хъуниз талукъарнавай сад тир тарс кыле фена.

Тарс шад гъалара директордин заместитель Т. Эседуллаевнади ачухна. Ахпа тарихдин малим З. Гъажиевади Брестдай Берлиндиз къван советрин халкъдин Гъалибвилинин рехъ гъихътинди хъанатла ачухна. Малимдин суьгъбет «Москва патал женг», «Сталинграддин патав женг», «Ленинграддин блокада», «Курский ягъунар», «Берлин къачун» слайдралди алава хъийизвай. Тарс аялри келай шиирралди алава хъувуна.

Тарсуна зегъметдин ва далу патан ветеран Ш. Рагъимхановади, Афгъанистандин ветеранрин райондин Советдин председател Г. Алиева ва теклифнавай масабуру иштиракна ва анал рахана.

Эхирдай Зоя Гъажиевади нетижаяр къадайла Гъалибвал чаз гъихътин багъа къиметдай акъвазнатла, къе чи кылин везифа бахтлу аялар патал ислягъвал хъуникай ибарат тирди лагъана.

Л. МАНАФОВА.

Магъарамдхуьруьн 2- нумрадин СОШ-дин малим.



ПАТАРА АВАЙ РАЙОНЭГЪЛИЯР

ГЪУЪРМЕТДИВДИ КЪАБУЛНА

17- АПРЕЛДИЗ Магъарамдхуъре чи районэгли, РФ-дин лайихлу художник Къарахан Сефербеков еке гъуърметдивди къабулна. Дуньяда машгъур тир К. Сефербекован яратмишунри Россиядин ва къецепатан уълквейрин музейра лайихлу чкаяр къунва.

Мугъман къабулай «Магъарамдхуъруьн район» МР-дин къил Фарид Агъмедова вичин рахунра къейд авурвал, ихътин багъа мугъман атун ам чидай, адан яратмишунрал рикл алай-бур патал еке савкъват я. Къарахан Сефербеков зегъметдал рикл алай, бажарагъ авай, яратмишунрин къуватрин чагъинда авай, рикл цийи шикилар яратмишунин гъиссерив ацанвай художник я,- давамарна Фарид Загъидиновича.

Яратмишунрин рекъе хъанвай лайихлувилер фикирда къуна МР-дин къил Ф. Агъмедова багъа мугъман Къарахан Сефербекова «Район вилик тухунин кардик лайихлу пай кутунай» хурудал эцигдай знак вугана.

Хайи чилел вич ихътин гъуърметдалди къабулунай ва ихътин награда гунай Къарахан Сефербекова чухсагъул лагъана ва фадлай хайи чилел хтун тавунвай ада районда хъанвай са жерге дегъишвилерикайни вичин фикирар лагъана.

Награда гайидалай гуьгъуьниз МР-дин къил Ф. Агъмедов къиле авай десте РФ-дин халкъарин адетдин культурадин центрди фена ва ана туйкълурнавай экспозицийрихъ галаз таниш хъана . Къарахан Сефербеков экспозициядилай рази яз амуькна. Къарахан Сефербекован агъзурралди шикилри Россиядин, Франциядин,



Германиядин, Италиядин, Австриядин, Голландиядин, Финляндиядин, Швециядин, США-дин, ОАЭ-рин, Индиядин, Китайдин, Япониядин, Австралиядин, Таиланддин ва Вьетнамдин галереяйра ва къилдин коллекцияра лайихлу чка къунва.

Шикилда: Ф. Агъмедов ва К. Сефербеков экспозициядихъ галаз таниш жезва.

В ПРОКУРАТУРЕ РАЙОНА**ВЫЯВЛЕННЫ НАРУШЕНИЯ**

5 ←

повышения эффективности, результативности осуществления закупок товаров, работ, услуг, обеспечения гласности и прозрачности осуществления таких закупок, предотвращения коррупции и других злоупотреблений в сфере таких закупок.

В соответствии со ст. 7 Федерального закона №44-ФЗ в Российской Федерации обеспечивается свободный и безвозмездный доступ к информации о контрактной системе в сфере закупок. Открытость и прозрачность информации обеспечиваются, в частности, путем ее размещения в единой информационной системе. Информа-

ция, размещенная в единой информационной системе, должна быть полной и достоверной.

В соответствии с п.11 ст.21 Федерального закона № 44-ФЗ заказчики осуществляют закупки в соответствии с информацией, включенной в планы-графики. Закупки, не предусмотренные планами-графиками, не могут быть осуществлены.

Планы-графики подлежат размещению в информационно-телекоммуникационной сети "Интернет" и в том случае, если заказчик не планирует осуществлять закупки товаров, работ, услуг в течение календарного года.

В нарушение указанных норм законодательства, на официальном сайте Российской Федерации www.zakupki.gov.ru муниципальными

образованиями поселений планы-графики закупок на 2015 год не размещены.

Не опубликование на официальном сайте планов-графиков закупок нарушает принципы открытости, прозрачности информации о контрактной системе в сфере закупок, обеспечения конкуренции, единства контрактной системы в сфере закупок, ответственности за результативность обеспечения муниципальных нужд, эффективности расходования бюджетных средств, что в целом является коррупциогенным фактором.

По выявленным нарушениям закона прокуратурой района внесены 22 представления.

А. АХМЕДОВ,
заместитель прокурора района,
советник юстиции.

ГЪАЛИБВИЛИН 70 ЙИС

ЮБИЛЕЙДИН МЕДАЛАР ВАХКАНА

ГЪЕПЦЕГЪРИН хуьруьн культурадин Квале Ватандин Чехи дяведин ва далупатан фронтдин ветеранрив юбилейдин медалар вахкуниз талукъарнавай шад мярекат кыле фена.

Мярекатда райондин общественный палатадин председатель А. Нагъметуллаева, райондин депутатрин собраниедин председатель Э. Байрамова ва хуьруьн администрациядин работникри иштиракна.

Мярекат сифте гаф рахуналди хуьруьн администрациядин кыл М. Гъажималикова ачухна. Анал гъакI райондин администрациядай атанвай мугъманарни, Гъепцегърин школадин тешкилатчи С. Гъуьсейновни рахана ва абуру ветеранриз медалар мубаракна.

Шад и мярекат Гъепцегърин культурадин Квалин гевескар артистри кялураи концерт гуналди акъалтна.

Р. ВАГЪАБОВА,
хуьруьн библиотекарь.



СПОРТ

Олимпиададиз - путевка



РОССИЯДИН 2014- йисан чемпион, Дагъустандин боксер Ражаб БУТАЕВА боксдин виридуьньядин сериядин (WSB) командайрин турнирда ругуд лагъай гъалибвал къазанмишна ва адакай Рио-де-Жанейрода 2016- йисуз кыле фидай Олимпийский кьугъунра иштирак ийидай ихтияр авай лицензиядин иеси хъана.

Дагъустанвиди Рио-де-Жанейрода жезвай олимпиададиз путевка къачуна..

ОБЪЯВЛЕНИЕ

В ЦЕЛЯХ информирования населения и обеспечения исполнения требований Закона Республики Дагестан №69 от 18.11.2009 г. «О внесении изменений в Закон Республики Дагестан «О защите прав ребенка в Республике Дагестан» сообщаем, что сотрудниками отдела МВД России по Магарамкентскому району ежедневно проводятся в ночное время суток (с 22.00 до 6.00) профилактические мероприятия по изъятию несовершеннолетних, нахо-

дящихся в общественных местах, в том числе на улицах, парках, объектах развлечения и досуга, магазинах, кафе, компьютерных залах и иных местах без сопровождения родителей и лиц их заменяющих.

З. ГАДЖИМАЛИКОВА,

старший инспектор по делам несовершеннолетних ОВД по Магарамкентскому району, старший лейтенант полиции.

Кылин редактор
А. ИСМАИЛОВ.

Газет гъафтеда
садра акъатзава.

Газет Магъарамдхуьруьн райондин администрацияда регистраця авуна.
Регистрациядин № 301.

Редакциядин адрес: Магъарамдхуьр,
Ленинан куче, 4.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Чап ийиз вахкудай вахт - 16.00.

Чалун патал къл члугуна- 15.00.

Газет ООО «Самур» типографияда гъазурна ва гъана чапна. 368780. Магъарамдхуьр, Ленинан куче, 4. Лезги члал.

Индекс 63340. Тираж 1458.
Заказ № 17.

+7